



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კვალაიშვილი ეკა ფირანის ასული

კვალაიშვილი ეკა ფირანის ასული (დ. 20. III. 1965, თბილისი), საესტრადო მომღერალი. 1982 დაამთავრა სპი-ის ტელემექანიკის ფაკ-ტი. სწავლის პერიოდში მღეროდა ინ-ტისა და ტელევიზიის საესტრადო ორკესტრებში, ანსამბლ „ჯორჯიასა“ და ვოკალურ-ინსტრუმენტულ ანსამბლ „შანსში“. მაღალი ვოკალური შესაძლებლობის მქონე მომღერალი ასრულებს ღრმად ემოციური ჟღერადობის სიმღერებს - გ. გაჩეჩილაძის „აღარ გელოდები“, მ. კვალაიშვილის „გაზაფხულზე სიყვარული მოვა“ და სხვ. 1995 გაიმარჯვა კონკურსში „ბათუმის ტრუბადური“ (გრან-პრი 95), ამავე წელს გახდა სატელევიზიო კონკურსის - „გალას“ ნომინანტი. იგი მრავალი ჟილდოსა და პრემიის მფლობელია, მათ შორისაა „მის როკ-ევროპა-92“, „მეგა 2000“, „ოქროს დისკი“, „2000 წლის ბოლო ათწლეულის საუკეთესო შემსრულებელი“, „ლიგა-96“ და სხვ.

კ-ის რეპერტუარი მრავალფეროვანია, ასრულებს სხვადასხვა ჟანრის (ფოლკლორი, ჯაზი, სოული, პოპი და რომანსები) ნაწარმოებებს. მართავს სოლო კონცერტებს. ჩანერილი აქვს რამდენიმე ალბომი: „დამივიწყე“ (1997), „ფერისცვალება“ (2001), „როგორ მიყვარხარ“ (2005). გასტროლებზე იმყოფებოდა საფრანგეთში, ფინეთში, საბერძნეთში, რუსეთისა და უკრაინის ქალაქებში, მ. შ. მოსკოვსა და კიევში.

ნ. გელოვანი
